



29 Mac 2013
29 March 2013
P.U. (A) 120

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN PETROLEUM (CUKAI PENDAPATAN) (ELAUN PELABURAN) 2013

PETROLEUM (INCOME TAX)(INVESTMENT ALLOWANCE) REGULATIONS 2013



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PETROLEUM (CUKAI PENDAPATAN) 1967

PERATURAN-PERATURAN PETROLEUM (CUKAI PENDAPATAN)
(ELAUN PELABURAN) 2013

PADA menjalankan kuasa yang diberikan oleh subseksyen 22A(1) Akta Petroleum (Cukai Pendapatan) 1967 [*Akta 543*], Ketua Pengarah membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Petroleum (Cukai Pendapatan) (Elaun Pelaburan) 2013**.

(2) Peraturan-Peraturan ini disifatkan telah mula berkuat kuasa pada 30 November 2010.

Pemakaian

2. Peraturan-Peraturan ini hendaklah terpakai bagi semua orang yang boleh dikenakan cukai yang menjalankan operasi petroleum berkenaan dengan suatu projek yang layak.

Tafsiran

3. Bagi maksud Peraturan-Peraturan ini—

“bertekanan tinggi bersuhu tinggi” ertinya suatu projek untuk pembangunan reservoir dalam keadaan suhu dasar telaga tidak terganggu melebihi 150°C atau 300°F dan jika sama ada jangkaan tekanan liang maksimum bagi apa-apa formasi poros melebihi 0.8 pip/ka. (lebih daripada 15.4ppg mud), atau kelengkapan kawalan tekanan dengan tekanan kerja terkadar melebihi 10,000 pip;

“gas karbon dioksida tinggi” ertinya suatu projek dengan kandungan gas karbon dioksida lebih daripada dua puluh peratus atau tidak menepati spesifikasi loji gas tempat adunan dan memerlukan penyingkiran karbon dioksida;

“medan” ertinya suatu kawasan dalam kawasan perjanjian petroleum;

“medan marginal” ertinya suatu medan dalam kawasan perjanjian petroleum sebagaimana yang diperuntukkan di bawah peraturan 4;

“Pelan Pembangunan Medan” ertinya suatu pelan untuk pembangunan medan minyak atau gas yang diluluskan oleh Petroliaam Nasional Berhad;

“perolehan minyak tertingkat” ertinya suatu projek pembangunan tahap ketiga yang melibatkan proses yang mengaplikasikan tenaga luar ke reservoir untuk mempertingkatkan faktor perolehan daripada medan pengeluaran;

“projek laut dalam” ertinya suatu projek di kedalaman air lebih daripada dua ratus meter;

“projek yang layak” ertinya suatu projek sebagaimana yang diperuntukkan di bawah peraturan 5.

Medan marginal

4. Menteri boleh menentukan suatu medan marginal iaitu suatu medan dalam kawasan perjanjian petroleum yang mempunyai rizab minyak mentah yang berpotensi tidak melebihi tiga puluh juta tong tangki stok atau rizab gas asli tidak melebihi lima ratus bilion kaki padu standard.

Projek yang layak

5. Menteri boleh menentukan suatu projek yang layak iaitu suatu projek yang dijalankan oleh seseorang yang boleh dikenakan cukai—

(a) di dalam suatu medan yang menjalankan satu atau lebih projek berkenaan dengan perolehan minyak tertingkat, gas karbon dioksida tinggi, bertekanan tinggi bersuhu tinggi atau mana-mana gabungan; atau

- (b) di dalam suatu kawasan di bawah suatu perjanjian petroleum, dikenakan dengan suatu projek laut dalam.

Operasi petroleum berasingan

6. Bagi maksud Akta dan Peraturan-Peraturan ini, operasi petroleum yang dijalankan oleh seseorang yang boleh dikenakan cukai dikenakan dengan suatu projek yang layak hendaklah dianggap sebagai operasi petroleum yang berasingan dan berlainan bagi orang yang boleh dikenakan cukai itu daripada operasi petroleumnya yang lain di medan marginal, projek laut dalam dan projek yang bukan merupakan projek yang layak.

Pendapatan kasar

7. (1) Dalam menentukan pendapatan kasar bagi seseorang yang boleh dikenakan cukai daripada operasi petroleumnya yang dijalankan dikenakan dengan suatu projek yang layak yang dinyatakan di bawah perenggan 5(a), pendapatan daripada projek yang layak itu hendaklah dianggap berasingan daripada pendapatan kasarnya dikenakan dengan projek yang bukan merupakan projek yang layak.

(2) Jika seseorang yang boleh dikenakan cukai menjalankan operasi petroleumnya di dalam suatu kawasan dikenakan dengan suatu projek yang layak yang dinyatakan di bawah perenggan 5(b), pendapatan kasar daripada kawasan itu hendaklah dianggap sebagai satu pendapatan kasar.

Pendapatan larasan

8. Pendapatan larasan bagi seseorang yang boleh dikenakan cukai bagi tempoh asas bagi suatu tahun taksiran daripada operasi petroleumnya dikenakan dengan suatu projek yang layak hendaklah suatu amaun yang ditentukan mengikut Bahagian III Bab 3 Akta.

Kerugian larasan

9. (1) Dalam keadaan, apabila berlaku kekurangan pendapatan kasar bagi seseorang yang boleh dikenakan cukai bagi tempoh asas bagi suatu tahun taksiran daripada operasi petroleumnya dikenakan dengan suatu projek yang layak yang

dinyatakan di bawah perenggan 5(a) atau (b), mengikut mana-mana yang berkenaan, sepatutnya terdapat suatu amaun pendapatan larasan bagi orang yang boleh dikenakan cukai itu bagi tempoh itu, amaun yang jumlah bagi semua potongan itu ialah seperti yang sepatutnya dibenarkan di bawah Bahagian III Bab 3 Akta dalam menentukan pendapatan larasan itu melebihi pendapatan kasarnya bagi tempoh itu daripada operasi petroleumnya berkenaan dengan suatu projek yang layak hendaklah diambil kira sebagai amaun bagi kerugian larasannya bagi tempoh itu daripada operasi petroleum itu.

(2) Kerugian larasan yang ditentukan di bawah subperaturan (1) hendaklah hanya dibenarkan sebagai suatu potongan terhadap pendapatan berkanun bagi orang yang boleh dikenakan cukai itu daripada operasi petroleumnya berkenaan dengan projek yang layak itu yang dinyatakan di bawah perenggan 5(a) atau (b), mengikut mana-mana yang berkenaan.

Elaun modal

10. (1) Jika seseorang yang boleh dikenakan cukai telah bagi maksud menjalankan operasi petroleumnya berkenaan dengan suatu projek yang layak yang dinyatakan di bawah perenggan 5(a) atau (b), mengikut mana-mana yang berkenaan, melakukan perbelanjaan modal yang layak berhubung dengan suatu aset, hendaklah diberi kepadanya elaun bagi operasi petroleum itu di bawah Jadual Kedua Akta.

(2) Jika seseorang yang boleh dikenakan cukai melakukan perbelanjaan modal yang layak ke atas suatu aset yang digunakan untuk operasi petroleum berkenaan dengan suatu projek yang layak yang dinyatakan di bawah perenggan 5(a) atau (b), mengikut mana-mana yang berkenaan, dan aset itu juga digunakan bagi projek yang bukan merupakan projek yang layak, maka elaun yang kena dibuat di bawah Jadual Kedua Akta atas aset itu hendaklah diumpukkan berdasarkan pendapatan kasar bagi setiap projek.

(3) Jika, oleh sebab ketiadaan atau kekurangan pendapatan larasan bagi seseorang yang boleh dikenakan cukai daripada operasi petroleumnya berkenaan dengan suatu projek yang layak yang dinyatakan di bawah perenggan 5(a) atau (b),